

三才彙編卷五目錄

郊社合考

郊社合論

宗廟考

宗廟論

明堂五室論

祀日月論

祀星辰風雨論

祀社稷論

山川封禪論

籍田論

朝儀考

朝儀論

正樂考

律呂考

樂律合論

道統論

三才彙編
卷五
經籍總考

史法考

文體論

風俗教化論

經籍合論

史法論

河洛理數論

謚法論

三才彙編卷五目錄終

三才彙編卷五

同學顧程美輝六增著

嘉善龔在升聞園纂輯

受業沈 攀雲步 同校

吳本立意輔

郊社

秦三年一郊

始皇歲四時。三年一郊。嘗以亥正上宿。郊見通權火。拜於咸陽之旁。衣尚白。時祀用木。寓龍馬。先是襄公作西時祠。白帝。文公以黃蛇之夢。作酈時。宣公作密時。渭南祠青帝。靈公作上時。吳陽祠黃帝。下時祠炎帝。獻公以櫟陽雨金。作畦時。祠白帝。

秦四時爲酈客
上下之名
用耕火

地主祠

始皇祠八神。二曰地主祠。泰山梁父。以天好陰。祠於高山之下。地貴陽。必於澤中之園丘云。

漢入關立五時

高帝增北時
帝不親祠五時
文帝立渭陽五
帝廟
武帝立太乙祠
祠郊祀歌十九
章
行宮遙拜
上朔以季爲德
星
武帝三歲一郊

高帝入關。問白青黃赤四帝義。群臣莫對。乃曰。待我而且五也。立黑帝祠曰北時。祭命有司代不親往。至文帝增立雍五時。以黃龍見成紀。始幸雍。郊見五時。以新垣平言。立渭陽五帝廟。至武帝元光。幸雍。郊五時。是歲以謬忌言。令太祝立太乙祠。以公孫卿言。令候神太室。上遂郊雍。登崆峒。幸甘泉。又以冬至郊拜太乙。太史祠官奏美光及書。黃氣屬天。宜更泰祠壇。令李延年立樂府。作十九章之歌。且月上辛。用事甘泉園丘。上自行宮遙拜。其年有星孛於東井三台。王朔言。上帝報以德星云。然武帝咸三歲一郊。宣帝神爵二年。幸甘泉宮。修故事。作詩歌。後皆間歲一舉。

長安南北郊

成帝罷諸時祠
以星變而復
祀天祈嗣楊雄
作賦以諷

上辛合祀配以
高帝后

武帝立汾陰后
土祠

東漢洛陽郊丘
合祀天地

曹魏以舜爲始
祖
蔣濟請以振鐸

成帝作長安郊。罷甘泉汾陰祠。從三衡張譚議也。明年有大風之變。從劉向言。時祠俱復。并復陳寶祠。又數幸雍甘泉。求繼嗣。趙昭儀同往。楊雄作賦以諷。平帝復南北郊。王莽定禮。冬至圜丘。配以高帝。夏至方丘。配以高后。正月上辛。合祀於南郊。以高帝高后配。

后土祠

武帝元狩。太史令談祠官寬舒議。后土宜於澤中圜丘。爲五壇。瘞牡牢。於是東幸汾陰。汾陰舊河東后土宮也。有男子公孫滂洋等。見有光如絳。遂立祠汾陰。睢上。上望如上。帝禮宣元。皆幸河東。成帝初立長安北郊。三年復之。平帝罷從莽議。令夏至有司奉祭。配以高后。東漢光武建武六年。置郊兆於洛陽。合祀天地。以高帝配。稍復古制。先是亦分祀。

魏明帝景初。營圜丘曰皇皇帝天。以始祖舜配。方丘曰皇皇后地。以舜妃伊氏配。天郊曰皇天之神。以太祖武皇帝

為始祖

魏始行鄭氏之說分郊丘為二

主肅定禮傳玄制樂

群神從祀始此

宋武始視郊郊赦始此屋殿始此

梁陳間歲一郊

煬帝不齊致變

三才圖會

卷五

二

晉除五帝號

配地郊曰皇地之祇以武宣后配宗祀皇考文帝於明堂以配上帝初高堂隆以魏為舜後蔣濟以為曹叔振鐸後著論詰之是時鄭氏之說行分郊丘為二王肅立論攻之人莫之從然正始以後終魏代遂不復郊祀

武帝泰始除五帝號同稱昊天各設一座三年仍復之郊祀以宣帝配園丘方澤不別立王肅定禮傳玄製樂東晉賀循定禮一依晉初成帝令郊天眾神陪祀凡六十二覆舟山南立地郊配以后眾神陪祀同郊天禮宋武帝始親祀南郊隨行大赦前皆三公攝事而已齊武帝於郊壇圓兆特起瓦屋制極壯麗梁武南北郊間歲一行壇上撰題曰皇天座以皇后配后地座以德后配沈約製雅樂章陳同

隋皇地神州

文帝冬至郊於園丘煬帝大業元年不齋於次詰朝法駕至行禮有大風之變帝御馬疾驅而歸又夏至祭地祇

祭地祭為二

後魏用女巫

祀感生帝始於
北齊

以神農配后

高宗以無忌言
罷感生及五帝
郊丘始合

三祖並配之非

中宗以皇后同
郊

以九州山海從冬祭

神州以太祖武元配

後魏道武帝正月祀南郊以始祖神元帝配地郊以神元

后配二至又祭園丘方澤每祀六宮盛列女巫執鼓以酒

灑木主元帝又立五精帝兆於四郊北齊冬至祀昊天

帝於園丘夏至祀崑崙皇地祇於方澤正月上辛南郊祭

所感帝靈威仰為後代天帝分號之所始蓋元日祈穀鄭

氏計為祭感生帝至是始採其說行之後周以神農配地

唐顯慶新禮

武德初冬至園丘以景帝配上辛感帝以元帝配高宗顯

慶以無忌淳風等議詔南郊祈穀夏雩秋享皆祭昊天

帝罷感帝祠乾封又復舊至武后垂拱郊丘諸祀以高祖

太宗高宗並配天冊合祭中宗景龍南郊皇后主亞獻以

大臣李嶠等女為齋娘執

籩豆又令韋巨源主終獻

三大禮

立立元皇帝廟

立宗定合祭之

禮杜湯漸以郊同
禘配以始封之

憲宗不改日

用開元禮

開元修汾陰之
祀

五代備郊天儀
杖

三才圖會

卷五

三

祀汾陰祠

立宗開元園丘以高祖配秋享以睿宗配天寶元年仲春親享立元皇帝於新廟明日享太廟又明日合祭天地於南郊謂之三大禮詔自後皆合祭若冊命大事告園丘有司行事亦如之代宗以杜鴻漸議冬至夏至罷高祖以太祖配祈穀神州以神堯配夏雩以太宗秋享以肅宗黎乾作十詰十難以非之不報憲宗行郊而上天陰凝宰臣請改日不從及禮次景物澄霽翌日瑞雪盈天後列宗親行南郊俱用開元禮

梁洛陽郊壇

初永徽廢神宗之祀乾封復之開元十一年幸并州至汾陰尋漢舊址太史奏榮光出河祥風繞壇以張說言遂祀后土祠二十年又以蕭嵩言幸太原祠祀以睿宗配明年命治方丘壇於北郊孟春合祭

五代郊壇皆在洛陽自東京備儀仗至洛行禮其期冬春不一以宰相為大禮使太常卿為禮儀使御史中丞為儀

宋給南郊五使

宋初合祭

太祖南郊禮成
賜宴

郊天綉本鹵簿

太宗以太祖配
天

宋郊有告祭

三聖並配
四祖分配

御製樂章

仗使兵書為鹵簿使京尹為橋道頓遞
使宋因之至太平興國中鑄五使印

宋四郊七祭

乾德定圜丘祈穀。復雩秋享。凡四并設。皇地祇位。作壇於
南薰門外。依古四成十二陛三墀。內壇外設燎壇。壇外有
皇帝更衣大次。太祖親郊。宿齋崇文殿。翌日朝享太廟。赴
帷宮。又明日合祭。圜丘以宣祖配。皇弟亞獻。禮成宴廣政
殿。日飲福。開寶用繡衣鹵簿。祀西京觀者。慶太平天子。太
祖凡四郊。合感生帝。皇地祇。神州為七祭。並以四祖迭配。
至太宗郊以太祖配。真宗親郊以太祖太宗配。餘祀分配。

親郊三祭

天聖五年。詔郊前享景靈宮。後三日齋長春殿。謝玉清昭
應宮。凡三祭。景祐郊天三聖並配。後定二至太祖配。祈雩
神州太宗配。春感生宣祖配。秋享真宗配。上親製樂章二
十一曲。呂夷簡等分製。泰施群祀。至熙寧改定南郊。青城

停郊祭遊觀

元豐分祭

元祐合祭又北

郊

徽宗以道士執

儀

蔡攸誣妄上帝

真宗以大書祀汾陰

內臣降香

南宋草創不傳

三才圖會

卷五

四

內殿名門名并罷遊觀。減省草木禽獸千七百餘事。元豐罷合祀。從陳襄等議也。元祐集議。呂大防蘇軾主合祭。范純禮劉安世等主北郊。七年竟兩行之。改青城帷殿建齋殿。徽宗初郊。赴景靈宮值雪。曾布奏雪必不久。韓忠彥欲於大慶殿望祭。布不可。果晴成禮。政和親郊。上搢大圭。以道士百人執儀前導。上忽云。玉津園樓殿重複。蔡攸即妄奏云。云請付史館。京稱賀。又用京議罷合祭。然竟不親舉北郊。

汾陰封禪

真宗遣王化基祀汾陰。大中四年。以臣民請親祀。法駕出都。齋本祇宮。奉天書於座。太祖太宗配。如封禪儀。太史奏黃氣繞壇。明月重輪。景祐二年。孟冬遣內臣降香。慶曆增廣壇。後北郊或分或合。其制不一。每以上公攝事云。

南宋臨安園殿

建炎幸揚州。草創築壇。冬至合祭。以太祖配。紹興十三年。令臨安建園殿壇城。外并置青城齋宮。幔殿臨時絞縛。齋

宋以費廣不南郊

元初合祭元不親郊

袁桷郊祀議

武宗始定配享

吳宗定南郊儀

明初分祭

元合祭南郊

於大慶殿前二日朝獻景靈宮。一日朝享太廟。合祭以太祖太宗配。祭畢。麗正門肆赦。端誠殿受賀。初宋承五代之後。因郊肆赦。優賞蔭補。賚賜所費巨萬。故常難行。或三歲一郊。或過期不舉。至孝宗嘗省減諸費。光宗郊。大風雨。震懼感疾。遼祀天地於木葉山。金有拜天禮。至天德始定配享禮。

明合祭大祀殿

憲宗始拜天於日月山。遂舉合祭。以太祖睿宗配。世祖祀天於舊桓州西北。灑馬潼以爲禮。後用香酒脯饌一獻。成宗始建南郊合祭。遣大丞相攝事。又合祭五方帝於南郊。袁桷作郊祀十議。多採用之。至武宗復分祀。始以二祖配。文宗始議親祀南郊。令定儀注。英宗又議定南郊祀事。太常禮院始詳上儀節。

吳元年立園丘於鍾山之陽。冬至祭天。立方丘於鍾山之陰。夏至祭地。樂韶鳳定祭壇。脫烏之禮。洪武二年李善長

李善長陶安郊社議

太祖宸斷用合祭禮

崔亮言告祭禮

北京天地壇

世宗分郊之議始於夏言

一時並建四郊

特上恭號設慶成宴

嘉靖未不親祀

神宗仍合祭

陶安上郊社議祭天以日月星辰從祭地以嶽鎮海瀆從俱配以仁祖行之已久風雨不時災異迭見太祖因覽京房災異說獨斷於衷謂天地猶人父母豈可異處乃倣古明堂遺制定議合祀十年令卽舊壇建爲崇宇曰大祀殿是年冬先合祀於奉天殿明年殿成行合祭禮殿凡十二楹中作石臺設上帝皇祇神座每歲正月中旬擇日合祀以仁祖配享勳臣分獻日月諸神以崔亮言前期親告太廟遣使預告百神乃行大禮建文以高帝配方孝孺獻郊祀誦永樂十八年北京天地壇成每歲合祀南京舊殿有事則遣官祭告洪熙奉太宗同配列朝因之至世宗九年夏言疏分祭賜四品服霍韜疏其紊政亂法上怒廖道南乃議分祀張孚敬汪鋌等雜引經史議合祭之非上之遂令分建四郊一時並營司農告匱旣成上皇天上帝泰號及皇穹宇諸神皆附列焉定看牲分獻之制以太祖配禮畢設慶成宴其大祀殿拆去壇而不屋又以啓蟄行祈穀於圜丘後又改於大內之亓極寶殿至萬曆三年張居正疏復太祖之舊乃仍用合祀禮

郊社

按明制之善。有足儷三代而軼前朝者。一在祀典。夫祀南郊。以
后稷。配明堂。以文王。周道尊親。禮以義起。至陰陽日至之分。南
北不同。兆牲玉不同。享一代之制。固然。然聖王之功德。必合乎
乾坤。後可以觀天而格地。則爲分爲合。時異制殊。善乎明太祖
之言曰。執古不變。汙尊。坏飲。果可行於今乎。國之大祀。蓋有本
焉。慨自祠時。起於秦。而讖緯盛於漢。國典不經。儒臣聚訟。其說
波靡蔓延。雖以賢君相與博學之士。亦且禍福怵其心。而記傳
汨其智。積重難返。殆千年於茲矣。漢高承黑帝之闕。孝武倭龍

御之升天寶之享。元太中之祠。昭應以至睢上求嗣。并州望幸。皆英主也。豈特耀寶爲天。崑崙爲地。慕容致赤鼠之災。隋廣有風霾之異哉。若良史如遷固。而封禪郊祀之非純。經學如劉向。鄭玄。而復汾陰之議。創感生之祭。並配之禮。乃在張說。玉清之使。領乎王曾。其去公孫謬忌之誕妄也。幾希矣。六天五帝。致乾位之旁移。后土神州。析坤維爲二德。蒼帝肇祀於北齊。沿及於有宋。方澤北郊。又並行其禮於夏秋。其說皆始於鄭氏祭法之註。禘郊祖宗。裂爲四祭。取讖符以解經。取秦漢以附三代。前則賈逵。馬融。王肅。駁之。而莫窺制作之原。後則杜氏。通典。陳氏。

禮書又正之。而未盡明禋之實。至程朱考古辨今。識淵誼正。楊復因得其微。而反本周公以衍其說。郊社之議始出。荒榛雲翳之中矣。惜乎宋祚陵遲。而昭鑒凝休。復且曠以百年。始屬諸金陵之真主。大禮之興。顧不難哉。然辨歷代者。在七天六天。太乙二地之紛紜。而論明制者。在上辛二至之分合。瓊山之議曰。天地並祭。猶父母同牢。中庸言郊社之禮。所以事上天。而不言后土。言天則地在其中也。明祖感齋居之變。斷然以合祀爲法。成祖繼興。移壇於北。克繩祖武。已歷六朝。暨乎世宗之日。志在更新。廷臣之議。意存將順。於是變合爲分。分一祀爲四祀。固足遠

紹幽岐之烈實已近違濠泗之遺矣蓋分合之祀禮以義起而王者之覲天格地又有本存焉代天地子萬民爲祖以功爲宗以德嚴父以孝主鬯以誠於是分不背古合亦因時所謂其本在也然開國之深心可思而神祖之弘模難變爲子孫者何貴有紛更之智乎厥後江陵柄政仍返國初二祖陟降於焉允協矣大祀之外無雜祭尊其統也每歲一舉不若前代之曠勤其禮也慶成錫予不若前代之繁簡其費也故曰明祀之善軼百代而儷三王監殷者惟周文武周公之迂休承命其在是乎

宗廟

秦尊稱極廟

二世詔增始皇寢廟犧牲群臣議天子七廟特尊始皇曰極廟

漢渭北原廟

高祖令諸侯王立太上皇廟於國都惠帝令立高廟四年帝築複道朝長樂宮叔孫通以高廟衣冠月出遊奈何行宗廟道上乃請立原廟衣冠月出遊之又令沛上立高祖廟景帝以高為太祖文為太宗世世獻宣帝又以武為世宗世世獻元帝罷郡國廟毀寢園未幾上疾乃復之平帝更以宣為世室元為高宗從王莽之諂太皇太后也時諸帝每預作廟文曰顧成景曰德陽武曰龍淵昭曰徘徊宣曰樂遊元曰長壽成曰陽池

東漢洛陽高廟

諸國各立太廟
衣冠月出遊原廟
太祖太宗世世始此
王莽以高宗加元帝諂太后
預作廟